



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniæ Agrippinæ, 1707

Dubium III. An & quomodo fama restituenda.

urn:nbn:de:hbz:466:1-42561

tenent oppositum, quia hoc ipso quod dilacerârit, maximè si in parva frusta, sufficienter significavit se nolle, ut legantur, ergo non ideo voluit cedere jure suo aut dimittere secretum. A fortiori non possunt legi literæ, quas aliquis casu perdidit, vel in loco etiam publico ex inconsideratione reliquit.

§. 10. Observatio secreti pertinet ad varia ¹²³⁷ præcepta, secundum diversitatem bonorum, quibus violatio illius opponitur, hinc si adferat damnum fortunarum, pertinet ad 7. præceptum; si famæ vel honoris, ad 8.; si corporis, ad 5.; si animæ, reducitur ad 5. vel 7. Et universaliter omne secretum dici potest esse bonum animæ, est enim quasi thesaurus intellectualis, cuius premium tantò vilius est, quantò cum pluribus communicatur, ita Lugo n. 144. Deferri posse crimen, licet noveris sub secreto naturali, si hoc sit necesse ad cavendum damnum communem, dictum est l. 2. n. 217. De secreto, videri possunt plura apud Sanch. in Cons. l. 6. c. 6. d. 1. 2. 3. & Gobat in Quin. t. 5. c. 19. f. 10. & 11.

D V B I V M III.

An ḡ quomodo famam restituenda.

Resp. Nisi sit causa excusans, patet ex natura ¹²³⁸ justitiae, & ex dictis de Restit. famam injustè ablatam restitui debere: Et quidem, si verum crimen quis narravit, debet opinionem conceptam, quantum potest, apud audientes abolere, dicendo v. g. se malè dixisse, injuriam intulisse, deceptum esse &c. Vel si hac ratione parum proficia tur, eum laudando in aliis rebus, crimen extenuando,

"nuando, honorem ejus in re alia procurando,
 "et c. sic enim sensim tantundem fama ejus illu-
 "strabitur ex una parte, quantum ex altera obscu-
 "rata fuit. Quod si autem crimen falsum impe-
 "gisti, teneris id aperte retractare (adhibito etiam,
 "si opus est, juramento) apud eos, quibus dixisti,
 "& (per se loquendo) ad quos infamia pervenit
 "sive apud auditores mediatos, ut contra *Less.* &
 "Tann. 2. 2. d. 4. q. 6. d. 6. n. 146. docet *Lugo* d. 15.
 "s. 2. quia totum damnum famæ, cuius causa es,
 "teneris reparare; licet aliquando sufficiat dice-
 "re, te penitus deceptum, rem aliter se habere,
 "malè te informatum fuisse. *V. Lay.* l. 3. t. 3. p. 2.
 "c. 7. *Less.* l. 2. c. 11. d. 20.

"Dixi per se: plerumque enim per accidens ab
 "hac obligatione talis excusatur, respectu audi-
 "torum mediatorum: tum ob moralem impo-
 "tentiam; tum quia eo ipso, quod apud imme-
 "diatos retractavit, implicitè illis commisit, ut
 "hanc retractationem ipsi indicent aliis, si qui-
 "bus fortè revelaverint: idque confirmat praxis
 "Confessariorum, qui tantum obligant, ut retrac-
 "tent apud eos, quibus ipsi revelarunt. *Vid. Lugo*
l. c. Unde resolvetur.

"I. Confessarii est, uti & Concionatorum, be-
 "ne instruere suos, & monere de restitutione ac
 "fuga vitii tam communis.

"II. Is, qui bonâ fide, vel probabili errore du-
 "ctus, sine formalis mendacio falsum de alio dixit,
 "tenetur (intellectâ postea materiali injustitiâ)
 "ad restitutionem, licet non tam stricte, quam
 "qui infamavit per injuriam formalem; hic enim
 "tenetur restituere, cum detimento famæ suæ,
 "etiam æquali; alter non item, sed tantum qua-
 tenus

quatenus sine suo notabili incommodo potest.²⁹
Mol. Leff. Lugo d. 15. n. 4. Similiter qui crimen²⁹
 narravit de uno , quod auditores ex errore in-²⁹
 tellegerunt de alio , licet non ex justitia (siqui-²⁹
 dem non ejus actio, sed error audientium causa²⁹
 fuit damni injusti) tamen ex charitate tenetur²⁹
 ad restitutionem , cùm possit grave damnum²⁹
 proximi sine suo detrimento præcavere *Bon. d.*²⁹

44.

III. Qui detraxit alteri libello famoso , tene-²⁹
 tur, ut efficax sit restitutio, eam facere contrariis²⁹
 scriptis , vel publicâ revocatione. *Sayr. Bon. 10.*²⁹
*2. d. 2. de rest. q. 4. p. 9. n. 9.*²⁹

IV. Si ex læsione famæ ortum etiam est alteri²⁹
 damnum fortunarum , ut si privatus est officio,²⁹
 excidit spe divitis Matrimonii , amisit dotem,²⁹
 &c. tunc & fama debet restitui , & damnum il.²⁹
 lud compensari ad arbitrium prudentium. Et²⁹
 quidem obligatio restitutionis famæ , cùm sit²⁹
 purè personalis, non transit ad hæredes; obliga-²⁹
 tio autem compensationis dicti damni, cùm ha-²⁹
 beat respectum ad bona infamatoris , transit ad²⁹
 hæredes. *Lay. ll. cc. n. 4.*²⁹

Quæres. I. Quæ excusent à restitutione famæ.²⁹
Resp. Patere ex dictis de restit. l. 3. t. 9. c. 2. *Utr.*²⁹
 de resolvres :

I. Excusatus es à famæ restitutione, si planè sis²⁹
 impotens.

II. Si crimen occultum , quod dixisti , vel²⁹
 simile, aliâ ratione fiat publicum, *Lugo*, d. 15. n.²⁹
 37.

III. Si fama aliis modis jam recuperata fit , ut²⁹
 infamati purgatione , vitæ probitate , testimo-²⁹
 nio prudentum , *Leff. l. 2. c. 11. d. 17.* Etsi tunc²⁹

Tom. III.

Ddd

pro

”pro damno, quod secutum est, debeat satisfieri.

”Lug. s. 3.

” IV. Si prudenter judicetur, jam dudum rem
”oblivione deletam: Quo casu maximè pruden-
”tiâ opus est, nam aliquando periculosius est re-
”tractare, renovando memoriam. V. Lugo.

” V. Si is, cui detraxisti, tibi similiter detraxerit,
” nec velit restituere, quia tunc potes jure com-
”pensationis seu retentionis uti, dummodo infa-
”mia illata non redundet in alios, Ita probabili-
”ter Tol. Leff. Sylv. Mald. Dia. p. 3. tract. 5. R. 30. Mol.
” contra Cajet. Tan. Lugo & Nav.

” VI. Si non possis absque periculo vitæ, vel si
” fama restituenda sit minoris valoris quam fama
” detractoris, Sic v. g. Prælatus non tenetur resti-
” tuere vili homini, si aliter non potest, quam
” cum amissione famæ suæ multò majoris mo-
” menti; sed sufficit tunc, si infamatum laudet, aut
” pecuniâ compenset. V. Lugo l. c.

” VII. Si infamatus sponte remiserit, (modò
” tamen ejus infamia non redundarit in alios, ut
” familiam, statum) sive expressa, sive tacita sit
” condonatio: tametsi nihilominus ex charitate
” damnum resarcire aliquando tenearis, si possis
” absque gravi incommodo, Lugo n. 38. Imò ali-
” quando etiam sufficit condonatio præsumpta,
” sive interpretativa voluntas ejus, qui potest
” condonare, si nimis ille sit ita affectus, ut si
” rogaretur, facile condonaret, tunc enim non
” est invitus saltem quoad substantiam, et si fama
” non restituatur. V. Lugo l. c.

” Quæres. II. An restitutio famæ licetè condo-
” netur.

” Resp. Licetè fit in iis casibus, in quibus se-
” ipsum

ipsum licet infamare : in quibus autem , & quam
graviter peccat se infamando , in iisdem & tam
graviter peccat condonando . Nav. Trull. to. 2. l. 28
7. c. 10. d. 28. Unde resolvetur :

I. Condonans famæ restitutionem , pecoat²²
mortaliter , 1. Si infamia redundet in alios . 2. Si²²
inde sequatur scandalum . 3. Si sit vir valde uti-²²
lis Reip. , & ex infamia fructus impediatur . 4. Si²²
fama sit necessaria ad muneric gubernationem,²²
Sot. Less. Trull. c. , qui tamen notant , condona-²²
tionem semper esse validam , quando fama non²²
redundat in alios ; secus quando redundat : Un.²²
de parentes non possunt condonare , quando²²
redundat in filios ; neque filii , quando in pa-²²
rentes . *V. Aut. cit.*

II. Ex eo verò præcisè, quod infamatus (vel
contumeliâ affectus) conversans cum infama-²²
tore videatur remittere injuriam, non censetur
condonare restitutionem famæ vel honoris; ²²
sicut nec alia debita per familiaritatem. *Nar. c.* ²²
18. Trull. d. 29. ²²

ADDENDA.

An restituendum sit aliquid pro honore in defraudatione præmiferi, dictum est hic à n. 283. ; non esse autem obligationem restituendi pecuniam pro fama , dictum est à n. 297. , attamen honorem restitui debere pro fama, etiam dictum est n. 302. Denique quod fama consequens talenta non semper sit inæstimabilis , notatum est n. 304. *Inst.* 2. Præter hæc sit,

*Q. 224: Quid faciendum sit pro restitutione, ratio- 1239.
ne suspicione vel judicii temerarii. R. Ratione horum
præcisè non est opus aliâ restitutione, quâm ut*

Ddd 2 hæc

hæc depoantur, ita Mol. aliique cum Dicast. de Restit. d. 2. dub. 6. Ratio est quia sic reparatur totum damnum, & reducitur æqualitas, quæ erat sublata, putatque Dicast. n. 121. satis temerè dici, quod alia satisfactio requiratur.

1240 *Q. 225: Quantum restitui debeat ratione infamations.* R. §. 1. Ex infamatione graviter injuriosa nascitur obligatio compensandi totum damnum etiam in aliis bonis inde securum, ita Less. l. 2. c. 11. n. 101. Lugo d. 15. à n. 21. aliique cum Dicast. n. 273. & sequitur ex dictis de restitutione; tenetque, etiam si crimen revelatum fuerit verum, si fuerit occultum, uti communius docent AA contra Sot: & recentiores aliquos, qui putant in hoc casu teneri tantum ad partem, eò quod damnum principaliter sequatur ex crimine ipso verè commisso, quam sententiam Less. n. 103. dicit non esse improbabilem, sed opposita tenenda est, quia crimen occultum, erat, ac si non esset factum, ergo totum damnum securum est ex injusta revelatione, ergo ex hac est obligatio reparandi.

1241 §. 2. Non est obligatio restituendi aliquid præcisè pro infamia temporis præteriti, ita Mol. Lugo n. 17. Dicast. n. 187. contra Rebull., Ratio est, quia pars famæ præteritæ non potest physicè reparari in proprio genere, cum fieri non possit, ut tunc fuerit, quando non fuit, restituta autem in præsenti censetur, & moraliter restituta est pro præterito, & agnito errore quasi retrotrahitur, auditores enim agnoscent se antea falsò opinatos esse, unde nihil amplius damni manet; hinc nec videtur esse debita ulla pro eo satisfactio, uti putavit Less. n. 99., totum enim jam sublatum est, si pro præsenti restituatur fama.

Q. 226.

Q. 226. Quid notandum sit circa obligationem restituendi apud mediatos Auditores. R. Quæ de his habet Busenb., sunt probabilia, sed videtur probabilitas sic esse dicendum: si detractor dixit apud eos, qui meritò timebantur rem ulterius propalaturi, tenetur in horum defectu restituere etiam apud mediatos Auditores, quia est causa efficax infamiae etiam apud hos causatæ, ideoque etiam tenetur inquirere, an immediati Auditores aliis dixerint. E contrà si detraxit apud eos, qui prudenter credebantur non propalaturi longius, si fortè hi aliis dicant, non tenetur restituere, nisi apud hos immediatos, hi autem tenentur apud cæteros, quia hæc ulterior propalatio non est moraliter imputabilis primo detractori, sed malitia illorum, ita quoad omnia Dicast. suprà à n. 168. citans alios. item Dian. Tambur. Villal. Haun. t. 2. n. 557. Petsch. pag. 518. Quod si detraxerit, nihil cogitans de hoc, an hi auditores essent ulterius propalaturi necne, Tamb. & Spor. in Dec. t. 5. c. 4. n. 103. dicunt non teneri restituere, nisi apud immediatos, quia inculpabiliter non prævidit damnum; & haric sententiam vocat probabiliorem Dicast. n. 276.

Q. 227. Quid addendum sit circa illum, qui infamavit alterum planè inadvertenter & sine culpa. R. §. 1. Talis id postea resciens tenetur ex iustitia restituere famam, si possit absque gravi incommmodo, ita Mol. d. 40. n. 3. Less. Lugo d. 15. n. 4. Haun. n. 552. Platel. n. 775. Spor. n. 86. aliquique communiter contra Bonæsp. & alios tacito nomine relatós à Tamb. in Dec. I. 9. c. 3. §. 3. n. 8., qui dicunt esse obligationem tantum ex Charitate, quam sententiam Steph. t. 4. d. 6. n. 43. dicit esse

Ddd 3 proba-

probabilem , nec probabilitatem audet negare
Haun. n. 555., Dicast. de Restit. d. 12. n. 162. vocat probabilissimam , Ratio nostra est , quia quamvis non sit obligatio propriè ex re accepta , cùm nihil inde habeatur ; neque ex injusta acceptione , quæ præcesserit , cùm factum sit sine ulla culpa , tamen est obligatio , in primis quasi ex re accepta , nam non restituendo , quasi detines famam alienam , eo modo , quo detineri potest , ergo sicuti habens sine culpa bovem alienum domi tuæ clausum , teneris non detinere , sed facere , ut redeat ad dominum , ita cum aliqua proportione de fama aliena . Deinde si non restituas , acceptio tua fiet formaliter injusta , ergo teneris prævenire restituendo . *Ant. prob. in simili* , nam si casu incendisses domum alienam , tenereris ex justitia incendium restinguere , si commodè posses , alioquin hoc negligens , postea tenereris ex damnificatione , quæ tum fieret injusta , quando potens restinguere non restingueres : Ratio utriusque à priori est , quia hæc continuatio incendi & illa perduratio infamiae jam fieret tibi voluntaria & moraliter imputabilis , ergo sic continuando peccares contra justitiam , quæ unumquemque obligat ad procurandum , ne ex sua actione lœdantur positivè jura aliorum . Notant autem communiter omnes cum *Lugo d. 39. n. 29.* non teneri cum gravi incommodo , id est , tali , ad quod pro proximo subeundum non obligat præceptum Charitatis , cùm enim inculpabiliter dederit causam illi damno , si commodè non possit impedire , censebitur justè permettere , nec poterit illi moraliter imputari , constat enim apud omnes , quod multò minor sit obligatio impe-

impediendi , quām positivē non inferendi da-
mnum.

§. 2. Non est obligatio reparandi damina se- 1244
cuta , antequam adverteris fuisse detractionem ,
utī rectè Lugo d. 15. n. 5.; illa tamen sunt repa-
randa, quæ sequuntur ex dilata culpabiliter resti-
tutione famæ, utī colligitur ex dictis n. 252.

§. 3. Si de Petro dicas crimen , quod audien- 1245
tes per errorem intelligent de Paulo , dum ad-
vertis , ex justitia teneris restituere Paulo, ob ra-
tionem n. 1243. datam , & providere, ne intelli-
gent etiam de Petro , Mol. Lugo n. 6. Spor. n. 87.
contra Less. qui dicit ex Charitate tantum teneri,
quod Dicast. n. 167. dicit esse probabile, sed addit
Lessium consequenter dicere debuisse etiam tan-
tum ex Charitate teneri , si sine culpa detraxerit ,
esse autem tum obligationem saltem ex Charita-
te , si possis sine gravi incommodo , fatentur
communiter omnes cum Dicast. n. 161., hoc e-
nī faciendo non pateris damnum , quod pate-
reris, si damnum in bonis fortunæ inculpatè cau-
satum tenereris reparare.

Q. 228. An ille , qui detraxit , teneatur semper 1246
hoc revocare. R. §. 1. Per se loquendo , tenetur ,
& non est satīs eum laudare in aliis rebus , v. g. si
dixisti aliquem esse impudicum, non est satīs lau-
dare eum in aliis virtutibus , quia sic nequidem
æquivalenter restitues hoc, quod abstulisti , una
enī fama in æstimatione hominum non substi-
tuitur pro altera, utī habet communissima sen-
tentia.

§. 2. Si detraxit , manifestando aliquid ve- 1247
rum , non potest hoc revocare , dicendo se esse
mentitum , sic enim mentiretur , sed debet aliis

D d 4 verbis

verbis uti, v. g. dicere se malè locutum esse, se fecisse injuriam, se deceptum esse, nempe errore pratico, homines sæpe mentiri talia dicendo, se non posse quidquam asserere de alterius crimen &c., si tamen audientes adverterent hoc fieri ideo, ut reparetur fama, melius esset aliter compensare, v. g. laudando in aliis virtutibus, vel quovis alio modo ingenerando bonam opinionem de persona læsa, aut etiam honorando, uti habent Leff. & Lugo d. 15. n. 33., ea enim nunc est calliditas hominum, ut suspicentur ejusmodi retractationes, in quibus aliquis dicere non audet se dixisse falsum, fieri tantum eo fine, ut satisfiat conscientiæ, hinc pergunt credere fuisse verum: interim tamen debet detractor manere paratus ad revocandum, prout salvâ veritate poterit, si hoc fuerit necessarium ad reparationem famæ læsæ. Videri possunt Dian. p. 3. t. 5. R. 30. & p. 11. t. 6. R. 57. Dicast. d. 12. à n. 261. Steph. t. 4. d. 6. n. 44. Spor. in Dec. t. 5. c. 4. n. 92.

1248 *Q. 229. Ad quid teneatur, qui falso detraxit.*
*R. Tenetur, per se loquendo, retractare tali modo, qui sit efficax ad reparandam stabiliter famam alterius, etiamsi deberet dicere se mentium esse, idque juramento firmare, etiam adhibitis testibus, aliisque quamvis extraordinariis mediis, ita cum communi Lugo à n. 24. *fls. t. 4. d. 2. n. 109.*, partim contra *Fabrum*, qui dicit non teneri addere juramentum, partim contra utrumque *Nav. Rodriq.* Dicast. n. 259. Spor. n. 89., qui dicunt non teneri adhibere testes, partim contra *Leff.*, qui dicit non teneri nisi ad summum adhibere juramentum & testes, non autem alia extraordinaria media, quod etiam videtur innuere*

nuere *fls.*, sed ratio nostra est, quia diffamatus
habet jus ad famam suam recuperandam, ergo
diffamans tenetur adhibere media necessaria ad
illam reparandam, ergo si ordinaria non suffici-
ant, tenebitur etiam ad extraordinaria, malitia
enim sua imputare debet, quod sibi imposuerit
illud onus. *Dixi 1.*, per se loquendo, nam pos-
sunt esse causæ excusantes, v. g. si deberet ipse
longè majorem infamiam subire: attamen non
excusatur, si deberet subire tantum æqualem,
quia æquius est, ut nocens quam ut innocens pa-
tiatur illud damnum, secundum dicta n. 368.
Dixi 2. Ad reparandam stabiliter, nam si Auditores
primò crediderint retractanti, postea autem
mutatâ mente redeant ad primam malam op-
inionem, tenebitur iterum hanc tollere, prout
poterit, quia hoc damnum famæ adhuc respicit
primum delictum veluti suâ causam, uti recte
Lugo n. 28.

Obj. Per juramentum dedit majus motivum,
ut credatur retractationi, quam per locutionem
suam dederit, ut crederetur detractioni, ergo si
audientes non credant juramento, non est de-
tractioni imputandum sed audientium malitiæ.
R. Imputandum esse principaliter detractioni
præteritæ, partialiter tamen etiam malitiæ au-
dientium, qui ideo etiam obligantur deponere
malam opinionem: cum quo stat, quod detractor
pergit obligari ad hoc ipsum procurandum,
cum opinionem illam injustè causârit.

Q. 230. *Ad quid teneatur Caius, qui, ut impedi- 1249*
ret Titium ab officio, quo erat indignus, publicè diffa-
mavit eum, cum satis fuisset diffamare privatim. *R.*
Non tenetur reparare damna Titio ideo causata,

Ddd 5 quod

quod negatum sit officium, sed tantum famam in publico perditam, quia sola diffamatio privata, ad quam jus habebat, fuit causa negandi officium, & consequenter causa damni non fuit injusta, ita *Leff.* l. 2. c. 12. n. 124. *Lugo* d. 18. n. 92.

1250 *Q.* 231. *Ad quid teneatur, qui detraxit defuncto.*
R. Si detraxit falso, tenetur revocare, quia defunctus retinuit jus ad famam, uti dictum est n. 1210. Neque hæredes possunt juri illi cedere aut de illo transigere, cum remaneat defuncti, quamvis possint remittere jus persequendi litem contra detractorem. Quod si infamavit in vero crimen, tenetur reddere dubium aut aliter excusare, secundum antedicta, nec satisfacit orando pro ipso, uti vult *Mol.*, quia sic non compensatur fama, quæ est bonum alterius generis. Denique si infamia vel damna inde redundarint in Familiam, etiam tenetur pro his satisfacere, quia per injuriam ipsius causata sunt, ita quoad omnia *Bonac.* de *Restit.* d. 2. q. 4. p. 2. *Dicast.* à n. 282. aliisque communiter.

1251 *Q.* 232. *An à restitutione famæ excusat prudens metus incurriendi damni temporalis in bonis fortunæ.*
R. Excusat, si sit metus gravissimi damni, quamvis enim bonum famæ ex suo genere sit majus quam omnia bona fortunæ, tamen bonum inferioris ordinis propter necessitatem vel utilitatem suam saepe censetur inter homines esse majoris aestimabilitatis quam bonum superioris ordinis, uti recte *Jlls.* t. 4. d. 3. n. 111.

1252 *Q.* 233. *Quid debeatur pro honore lesso.* *R.*
 §. 1. Debetur satisfactio, ita *Leff.* l. 2. c. 11. dub. 27. *Lugo* d. 15. n. 53. *Amic.* tom. 5. d. 37. n. 148. *Dicast.* de *Restit.* d. 12. à n. 354. *Haun.* t. 2. 2 n. 563.

n. 563. Herinx d. 7. q. 7. n. 8. Petsch. pag. 523.
Probatur, quia si Petro nemine præsente dixeris contumeliam, aut impegeris alapam, non est satiis præcisè defistere, sed teneris, vel petere veniam vel testificari te rursus habere existimationem de ipso, vel tali modo te habere, ut non amplius censearis continuare injuriam sed reparare, fuisti enim injusta causa doloris, qui meritò affligit animam Petri, ergo ex justitia teneris illam tollere, non tollis autem sed continuas, si non ponas satisfactionem, ergo. Similiter si alicui impegeris publicam alapam, non semper erit satiis, si etiam publicè cum signis doloris humiliter petas veniam, sed quandoque necessaria erit longè major humiliatio, v. g. genuflexio, uti recte Rebell. aliique cum Lugo n. 57. contra Less. n. 145., si enim rusticus Principi publicam alapam impegerit aut etiam Nobili, quis dicet satisfacere sic petendo veniam. Itaque regula generalis est, tantam reparationem vel satisfactionem esse ponendam, quanta requiritur ad abolendam injuriam, sive ad famam & honorem in eo statu reponendum, in quo erat, antequam lædere tur.

§. 2. Si in honoratus vindictam sumperferit de 1253
 in honorante, v. g. si eum percußerit, vulnerârit &c., communiter non requiritur ulterior satisfactione pro honore, ita Lugo n. 59. Herinx & Petsch. pag. 524., quia pro hoc videtur acceptare vindictam, & hoc ipso, quod alter vicissim non vindicet, censetur recognoscere suam culpam & testari existimationem de læso: si tamen ad alios dimanasset infamatio, qui de hac vindicta sumpta nihil rescirent, deberetur apud hos alia reparatio honoris. Videri possunt plura apud Dicast. à n.

356.

§. 3.

1254 §. 3. Etiam debetur compensatio damnum, si inhonoratus ideo est aliqua passus, ut si ideo depositus est ab officio, & hoc satis colligitur ex dictis de restitutione.

1255 Q. 234. *Quid agendum sit, si dubitetur, an hoc, quod dixisti, sit oblivioni datum.* Rz. Caj. dicit absolu-
tè revocandum esse, nisi constet oblivioni da-
tum esse; consentit *Dicast.* n. 196., si personæ, apud quas revocat, sint credituræ fuisse falsum:
E contrà si fuerit verum, *Nav.* & *Less.* dicunt non
facile renovandam memoriam, nisi evidens sit
periculum, ne datâ occasione memoria redeat:
Mal. dicit, si parva sit probabilitas, quod adhuc
sit recordatio, & è contrà notabilis infamia ca-
deret in retractantem, non esse obligationem re-
tractandi: *Lugo* n. 35. dat hanc regulam, nempe
ut hoc fiat, quod consideratis circumstantiis pu-
tatur velle passus injuriam; ut autem hoc dijudi-
cari possit, debet detractor ipse considerare,
quid sibi fieri vellet in ejusmodi circumstantiis:
addit tamen rectè n. 36. cum *Mal.*, adhuc debe-
ri aliquid infamato, v. g. laudem aut honorem,
secundùm antè dicta, in compensationem illius
periculi, ne forte infamia necdum sit oblivioni
data.

1256 Q. 235. *An obligatio restituendi pro fama vel ho-*
nore transeat ad hæredes detractoris. Rz. Non tran-
fire, attamen transit obligatio reparandi damna
fortunarum inde secuta. *Pars 1. est Less. Lugo* d. 15.
n. 8. *Dicast. de Restit.* d. 12. n. 280. & aliorum com-
munis contra *Adr.* *Nav.* *Mol.* *Rebel.* & *alios.* Ra-
tio est, quia hæc obligatio est personalis, & ex
communi sensu hominum hæres succedit de-
functo tantum quoad jura & debita fortuna-
rum,

rum, non autem succedit in fama vel honore , & consequenter etiam non succedit in debitis famæ vel honoris, quæ solam personam in famantis respiciunt : neque verum est , quod defunctus teneretur compensare in pecunia , si non posset aliter , ut n. 299. dictum, ergo multò minus ad hoc tenetur hæres. Pars 2. patet, quia defunctus tenebatur damna illa fortunæ compensare, & bona ejus transeunt ad hæredem cum isto reali onere.

Circa pœnas & actiones, quæ competit ratione injuriarum contra famam & honorem ; item ratione libellorum famosorum, videri possunt Dicast. à n. 429. & Haun. à n. 569.

C A P U T II.

Quid de Præcepto nono , & decimo.

Non concupisces, &c.

R Esp. Prohibent omnes internas concupiscentias & delectationes voluntarias isto. rum operum , quæ præceptis secundæ tabulæ, præsertim sexto & septimo vetantur. Qua de re vide suprà ; & patebit ex dicendis de peccatis, infr. l. 5.

C A P U T III.

Quid de Præceptis Ecclesiæ.

R Esp. Etsi ea sint plurima , præcipue tamen 1258 toti Christiano populo communia quinque numerantur ; Ex quibus hic agendum restat de tertio, quia de 1. & 2. actum est in præcepto 3. De catalog. De 4. & 5. infrà lib. 6. de Sacram.

D U-